

# 客家花花世界

廖肇維 2015-04-06 於樂利

各位評審，各位同學，大家好!

青翠个山林有个花，就係油桐花；也毋驚晒來，也毋怕-狂風暴雨打。

啊-啊!油桐花呀油桐花，滿天下；

有土地就有它。雪白个花啊！

象徵 个客家； 就像它， 就像它；堅強个起家。

賴韋岑:你知該下唱个係麼个歌無？

蔡瑋恩:个毋就係象徵 客家个油桐花ㄟ世！

賴韋岑:無毋著!除忒代表客家个油桐花以外，乜還有當多種

个花摻客家人个生活，關係當深，你知無？

蔡瑋恩:□毋知呢!講兜來鼻香啊咧。

賴韋岑:好!耳公擲長啊! □斯無儘採摻人講个哦！

蔡瑋恩:你斯毋好高山頂上捉鱒魚，無影無跡講到有。

還毋遽遽講，等麼介菜傍。

賴韋岑: 玉蘭有風，香三里;桂花無風，十里香。

蔡瑋恩:簡單啦!這句諺語□識聽過，厥个意思係講:「教人做人，德

性修行盡量學習桂花，功夫哪係到家，大家就會服你，拿你來做模範。」

賴韋岑:還奢鼻啲!講个盡好，分你一百分。續下來，

「惜花連盆，惱子合孫。」

蔡瑋恩:細阿妹仔!你有講毋著無?毋係「惜花連盆, 惜子連孫。」嘿!?

賴韋岑:你講个無毋著, 毋過頭擺人降卡多細人仔, 當多做爺哀个會大細心, 佢兜係惜个俵仔, 這房降个孫仔, 阿公阿婆共樣恁惜; 相反个, 佢兜係惱个俵仔, 這房降个孫仔, 个斯會分阿公阿婆惱死!

蔡瑋恩:好得!好得! □毋係生到个只時代。這下吾公吾婆惜□就來毋掣世`, 哪還有時間惱□!

賴韋岑:「看花容易, 繡花難; 相佛容易, 刻佛難。」

蔡瑋恩: □知! □知!這句諺語□識聽吾公講過, 佢講:「麼个事情毋好總係知好品削人, 等到自家做个時節, 才知, 要做好這件事情, 毋係恁簡單个!」

賴韋岑:這下 來揣令仔, 好無?

蔡瑋恩:好啊!

賴韋岑:『圓身企來直, 開花黃貢貢; 面仔像日頭, 打子香醇醇。』-揣一種植物。

蔡瑋恩:簡單啦!个毋就係日頭花也?

賴韋岑:還奢鼻哦!分你揣著了!

蔡瑋恩:你試著□像麼介花?

賴韋岑: 十一花。

蔡瑋恩: 麼介係十一花啊?

賴韋岑: 三加八係幾多?

蔡瑋恩: 嘿! 敢偷罵□, 摻□記得!

蔡瑋恩, 賴韋岑(共同): 承蒙大家! 恁仔細! 才來寮!